



Inatsisartunut ilaasortaq
Niels Thomsen
Demokraatit

§ 36 malillugu apeqqummut nr. 142-mut akissut

Asasara Niels Thomsen

Allakkatit 17. november 2009-meersut apeqqullu nr. 2009-142 innersuussutigalugit Naalakkersuisut nalunaarutigisinnaavaat GIF aamma Team Grønland suleqatigiimmata Anti-Doping Grønland pillugu. Anti-Doping Grønland nukkassaati pillugit aalajangiisartoqarpoq nukkassaatinik atuinermik misissuinerni naammattoorsisoqarsinnaatillugu kingunerititassanut isummertartuusunik naammagittaalliorfissaqarlunilu timersortartut naammagittaalliorfigisinnaasaannik.

Apeqqutinnut tunngatillugu Naalakkersuisut ima nalunaarsinnaapput:

1. Naalakkersuisut pilersaaruteqarnerlutik Word Anti-Doping Agency (WADA) naapertorlugu atortussat/nakorsaatiit suut pisortatigoortumik inerteqqutaanersut paasinissaannut ajornannginnerulersitsinissaminut?

Akissut: Ullumikkut GIF-ip internetikkut nittartagaani nukkassaati pillugit paasisstis-saqareerpoq arlalinnik tamatumalu saniatigut Anti-doping Danmarkip internetikkut nittar-tagaa www.antidoping.dk innersuussutigineqarpoq tassani atortussat inerteqqutaasut al-lattorsimaffiat tassaniimmat. 2010-mut allattorsimaffiliaq tamanut saqqummiun-neqaqqammerpoq. Anti-Doping Grønlandip internetikkut nittartagaqalernissaq Kalaallit Nunaannilu nukkassaatinik atuisarneq pillugu quppersagaliornissaq pilersaarutigaa. GIF atortussat /nukkassaati inerteqqutaasut pillugit timersortarfinni allagartarsualersuisima-voq. Tamatuma saniatigut GIF-imit ilisimatitsissutigineqarpoq GIF-ip pikkorissartitsinerini tamani nukkassaatinik atuisarneq sammineqartartoq.

2010-mut GIF-imik angusassat pillugit isumaqatigiissuteqarnermut atatillugu Naalaker-suisut atortussat inerteqqutaasut pillugit paasititsiniaanerup pitsanngorsarneqarnissaa eqqartorniarpaat.

2. Naalakkersuisut isumaqarnerlutik, akornatsinni timersortartut pikkorissut atortussanik inerteqqutaasunik atuinermikkut imminnut akorngusersin-naanerat pinngitsoortinniarnepat iluaqutissartaqassanersoq?

Akissut: Aap, nukkassaatinik atuisarnerup akiorneqarnerata piorsaavigineqarnissaa Naalakkersuisut iluaqutaassangatippaat kiisalu GIF-ip qulaani taaneqartutut paasititsini-aanermik ingerlatsiinnarnissaa pingaartuusoralugu. Aammali erseqqissassallugu pin-gaaruteqarpoq timersortartoq pineqartoq akisussaaffeqarmat Naalakkersuisullu timer-sornermut tapiissuteqartarnikkut naatsorsuutigimmassuk GIF aamma Team Grønland

3. december 2009
Sagsnr.2007-003194
Dok. Nr. 273782

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@gh.gl
www.nanoq.gl

aqqutigalugu timersortartut nukkassaatinik atuisarneq pillugu sapinngisamik paasititsini-aassasut. Tamatuma saniatigut ilisimatitsissutigineqarsinnaavoq timersortartut pikkorinnerpaat nunani allanisulli piumasaqaatit assigalugit piumasaqaateqarfigineqartarmata sumiinnertik paasissutissiissutigissallugu ("whereabout" pillugu malittarisassanik taaneqartartunik).

- 3. Timersortartut pikkorinnerpaat nunatsinni amerlasuunit nuannartorineqarput taamaattumik Demokraatit isumaqarput, tamakku taamatut isigineqarnermikkut immikkut akisussaaffeqartut. Naalackersuisut suliniutigilersaernerlugu timersortartunut pikkorinneriukkanut paasititsiniutigissallugu timersullammaaner at inuiaqatigiinnut qanoq pingaaruteqartigisoq ?**

Akissut: Qulaani taaneqareersutut sammisaq pillugu paasititsiniaalluni suliniutinik aallartitsisoqareerpoq. Tamatuma saniatigut Naalackersuisut isumaqarput Team Grønland pikkorinnerpaat timersortarnerannut akisussaasuusooq ullumikkullu nukkassaatinik atuisarnermik ajornartorsiummik samminereersooq ajornartorsiutillu taakku pinngitsoorniarlugit suliniuteqarluareersooq.

- 4. Aanngajaarnartoq hashi inuiaqatigiit ajornartorsiutigaat angisooq aamma ajoraluarmik timersornerup silarsuaani taamaappoq. Aanngajaarnartorlu hashi nunarsuarmi nukkassaatit inerteqqutaasutut nalunaarsoqqammat, Demokraatit isumaqarput, Kalaallit Nunaanni pissartanngorniuttoqartillugu aanngajaarniut taanna atorneqarsimanersooq misissorneqartalertariqartoq. Taama isumaqarnermut Naalackersuisut isumaqataanerlutik taamaassimappat taava Kalaallit Nunaanni pissartanngorniuttoqarneranut atatillugu misissuisarnissamut aalajangersimasunik malittarisassiornissamut Naalackersuisut qanoq qulakkeerinninniarpat?**

Akissut: GIF-imit ilisimatitsissutigineqarpoq ukiuni kingullerni pingasuni Nunatsinni pissartanngorniunnermut, ajugaaniunnermut sungiusarnermulluunniit atatillugu ukiumut marloriarluni misissuisoqartarsimasooq. Pakasaalluni pulaarnikkut misissuisoqartarpoq. Angalanermut, nerisaqarnermut ineqarnermullu, kiisalu misissuinertaanut aningaasartuutit qaffasissorujussuupput. Taamaattumik GIF aamma Team Grønland naliliipput ukiumut marloriarluni misiligutinik misissuisarnissaq naleqquttoq. Nunatsinni ukiumut 20-riarluni pissartanngorniuttoqartarpoq Nunatsinnilu pissartanngorneriunnerni tamani nukkassaatinik atuinermut misissuisarnermut aningaasartuuteqassagaanni timersornermi aningaasartuuteqarujussuuartoqassaaq. Timersortartut tamarmik misissorneqarsinnaanngimmata paasititsiniaanerup misiligutinillu misissuisarnerup akornanni oqimaaqatigiissitsinissaq pisariaqarpoq. GIF isumaqarpoq pissartanngorniunnerni tamani misissuisarnermut aningaasartuutit ukiumut ikinnerpaamik 500.000 kr.-iussasut. Naalackersuisut GIF aamma Team Grønland peqatigalugit ineriartorneq malinnaaffigissavaat pisariaqarpallu GIF-imit angusassat pillugit isumaqatigiissummi misissuisarnissamut erseqqinnerusumik piumasaqaasiortoqarsinnaavoq.

Ikinngutinnersumik inuulluaqqusillunga